

Holy Bible Aionian Edition ©
Lačo lafi taro Luka
Gurbet Luke

Creative Commons Attribution 4.0 International, 2018-2024
Source text: eBible.org
Source version: 10/11/2024
Source copyright: Creative Commons Attribution 4.0
Pioneers.org, 2018

Formatted by Speedata Publisher 4.19.26 (Pro) on 10/16/2024
100% Free to Copy and Print
TOR Anonymously
<https://AionianBible.org>

Published by Nainoia Inc
<https://Nainoia-Inc.signedon.net>

We pray for a modern Creative Commons translation in every language
Translator resources at <https://AionianBible.org/Third-Party-Publisher-Resources>
Report content and format concerns to Nainoia Inc
Volunteer help is welcome and appreciated!

Ane gova sato o Isus sastarda buten taro lengo nasvalipe, tare lengo pharipe thaj tare bilače duxura thaj bute koren dija dičhipe. 22 Gija o Isus phenda e Jovanese sikadende: "Džan thaj vačaren e Jovanese so dikhjen thaj so šunden: e kore dičhen, e bande phiren, e gubava thodon, e kašučé šunen, e mule ušten taro meripe thaj e čororende vačarol pe o Lačo Lafi. 23 Blagoslovimo si kova savo naj sablaznimo paše mande!" 24 Kana đeje e Jovanese sikade, o Isus lija te vačarol taro Jovane e bute manušende: "So ikiljen te dičhen ki pustinja? I trska, savi bandol ki balval? 25 Il so ikiljen te dičhen? Manuše ane barvale fostanura urade? Na! Kola save phiraven barvale fostanura thaj ano šukaripe, bešen ane carska palate. 26 Il so ikiljen te dičhen? Proroko? Va, me phenav tumende, vov si pobut taro proroko. 27 Golese so, o Jovane si manuš kastar si pisimo ano Sveto lil: 'Ak, me bičhalav mingre glasniko angle tute, savo ka pripravil tuče o drom angle tute.' 28 Vačarav tumende: maškare sa e manuša save sesa bijande tare romnja, ni sasa khoni pobaro taro Jovane. Al i o emcikno ano Carstvo e Devleso pobaro si lestar." 29 Sa e manuša so šunde e Isuse, pa i nesave carincura, pindžarde kaj si e Devleso sikajipe čačukano, golesa so krstisajle e Jovanese krstimasa. 30 Al e fariseja thaj e učitelja tare Mojsijaso zakon čhudije o plan e Devleso savo sasa lenđe thaj ni manglje o Jovane te krstil len. 31 O Isus vačarda: "Kasa te uporediv e manušen tari kaja kuštik save si akana džuvde? Sar kaste si von slična? 32 Von si sar čhavore save bešen ko drom thaj akharen jekh avere vačarindoj: 'Bašaldam tumende vesela đilja, a tumen ni čhelden! Bašaldam tumende žalosna đilja, a tumen ni rujen!' 33 Golese kaj, avilo o Jovane o Krstitelj savo ni xalja mangro thaj ni pijola mol, a tumen vačaren: 'O beng ane leste!' 34 Aviljem me, o Čhavo e manušeso, savo xav thaj pijav, a tumen vačaren: 'Dikh, manuš halano thaj mato, amal e carincurengo thaj e grešnikurengo!' 35 Al, sa gola so prihavisade gova sikajipe, phende kaj si e Devleso mudrost čačukano!" 36 Jekh farisejo kaso alav sasa Simon dija vika e Isuse te avol te xal mangro ke leste. O Isus đelo ano čher e farisejeso thaj čhuta pe pašo astali. 37 Thaj dikh, ane gova foro sasa i džuvli savače džanglja pe kaj si grešnica. Voj šunda kaj si o Isus pašo astali ano čher e farisejeso, i avili andre thaj anda kučalo miris ko čaro savo sasa taro mermerno bar. 38 Voj ačhili palo Isus thaj rojindoj, peli ke pe kočja paše lese pingre thaj lija te thovol len pe jasvencar. Tegani koslja len pe balencar, čumidija lese pingre thaj makhlja len e mirisesa. 39 Kana gova dikhlja o farisejo savo akharda le, vačarda ane peste: "Te avol kava manuš proroko, bi džanola ko sikaj džuvli savičolo! le Vov bi džanola

kaj si grešnica!" 40 O Isus phenda lese: "Simone! Si mañ khanci te vačarav tuče." Vov vačarda: "Učitelja, vačar!" 41 O Isus vačarda: "Duj džene sesa džuzna jekhe manušese: Jekh sasa džuzno panšel srebrenjakuraja o dujto pindan." 42 Kana len naj sasa te irina kova manuš čprostisada soldujende. Vačar, tare kala duj savo ka mandol le pobut?" 43 O Simon vačarda lese: "Pa bi phenava kolese kas sasa pobaro dugo." 44 O Isus vačarda lese: "Gija si šukan vačardan!" 44 Tegani irisajlo o Isus premial džuvli thaj vačarda e Simoneše: "Diče ližkala džuvlja? Ij Kana me aviljem tane čiro čhera ni pajni andan te thovav me pingre al voj pe jasvencar thoda len thaj pe balencar koslja len." 45 Ni čumidije ni dijañ emani, ač voj isar aviljem ni ačhili te čumidol mingre pingre." 46 Ujjesa ni makhljans mingro šoro thaj voj mirisesa makhlja mingre pingre." 47 Golese vačarav tučen: "Baro manglje sikada mande, golese so si lače oprostime but bare grehura, Al kase zala oprostime, si kavoč zala manglje." 48 A lače vačarda: "Oprostime si čire grehura." 49 Tegani ane peste lije te vačaren kola so sesa lesa pašo astali: "Ko si kava savo šaj oprostih e grehura?" 50 Al o Isus vačarda e džuvljače: "Čiro pačajipe spasisada tut. Dža ano mir!"

8 Pale gova o Isus đelo ane forura thaj ane gava. Sikada thaj vačarda taro Lačo Lafi taro Carstvo e Devleso. Lesa đeje e dešuduj sikade 2 thaj nesave džuvlja save sesa sastarde tare bengja thaj nasvalipe: i Marija (savi akhardola Magdalena, kastar iklije efa bilače duxura), 3 thaj i Jovana (romni e Huzosi savo sasa upravitelj ko Irod) thaj i Suzana thaj avera but džuvlja save kandije pumare parencar e Isuse thaj lese sikaden. 4 Kana čidije pe but manuša tare sa e forura thaj avile pašo Isus, vov vačarda lenđe paramič: 5 "Ikli o manuš savo čhudola o seme pi phuv. Thaj kana sejisada, nesavo seme pelo po drom. Gothe uštade le e manuša thaj e čiriklja sa xalje le. 6 Nesavo seme pelo pe bara. Barilo thaj šučilo, golese kaj naj sasa paj ani phuv. 7 Thaj nesavo seme pelo pe kangre. O seme barilo e kangrencar thaj e kangre tasade le. 8 Thaj nesavo seme pelo pi šukar phuv. Barilo thaj anda šel droma pobut." Kana vačarda kava, dija vika: "Kas isi kana te šunol, nek šunol." 9 E Isusesese sikade pučlje le: "Vačar amende so značil kaja paramič?" 10 Vov vačarda: "O Dol tumende dija te džanen o garajipe tare leso Carstvo, al averende vačarav ane paramiča, te pherdol okova so ačhol ano Sveto lil: 'Ka dičhen, al ni ka shvatin; ka šunen, al ni ka haljaren.' 11 Kaja paramič phenol kava: O seme si o Lafi e Devleso. 12 Nesave manuša si sar o drom ke savo pelo o seme. Kana šunen o Lafi e Devleso thaj avol o beng, lol o Lafi andaro lengo ilo, te

nevo savez ane mingro rat savo čhordol tumende. 21 A ak, mingro izdajniko bešol mancar kate ko astali. 22 Thaj me, o Čhavo e manušeso, mora te merav sar so si phendo, al pharo e manušese savo ka izdol man!" 23 Thaj e sikade lije maškar peste te pučen pe ko lendar bi čerola gova. 24 E sikade lije te čeren čingara maškare peste ko lendar si embaro. 25 O Isus vačarda lenđe: "E carura tare kava sveto vladin pe pe manuša thaj isi len vlast pe lende. Von korkore pese vačaren kaj si 'manuša save but den šukaripe'. 26 Al tumen ma čeren gijate! Nego ko si tumendar embaro te avol emcikno, thaj ko vladil nek avol kova savo kandol. 27 Golese kaj ko si embaro? Kova savo bešol ko astali il savo kandol? Naj li kova savo bešol ko astali? Al me sem maškar tumende kova so kandol. 28 Tumen sen gola save ačhile mancar ane mingre iskušenjura. 29 Me ačhavav tumende o carstvo sar so mingro Dad ačhada mande 30 te xan thaj te pijen ke mingro astali ane mingro carstvo thaj te bešen ko tron thaj te sudin dešuduj plemenuren e Izraelese." 31 O Isus vačarda: "Simone! Simone! Ak, o Satana mandol te sejil tumen sar so sejil pe o div. 32 Al me molisaljem tuče čiro pačajipe ma te ačhol. A kana ka iri tut ke mande, te zurave čire phralen!" 33 O Petar phenda lese: "Gospode! Spremono sem ano phanglipe thaj ano meripe tusa te džav!" 34 Al o Isus vačarda lese: "Vačarav tuče, Petre! Ađive ni ka đilabol o bašno dok tu trin droma ni vačare kaj ni pindžare man." 35 Tegani vačarda lenđe: "Kana bičhaldem tumen bize kese parencar thaj bize traste thaj bizo podipe, so naj sasa tumen?" Von phende: "Khanči." 36 O Isus vačarda lenđe: "Aba kana kas isi kesa nek lo laj Gijate i piri trasta! A kas naj mačo nek biknot pe šaja thaj nek činol pese. 37 Golese vačarav tumende kaj trubul te pherdol kova so si pisimo mandar ano Sveto lil: 'Dikhlje le sar jekhe tare kola save phađen o zakon.' Golese ka avol čače sa so sasa pisimo mandar." 38 Al e sikade phende: "Gospode! Ak, isi amen duj mačura." O Isus vačarda lenđe: "Dosta sil!" 39 Iklindoj gothar, pale piro adeti, đelo o Isus ko Maslinsko bregu. Lese sikade đele pale leste. 40 Kana resle, o Isus vačarda lenđe: "Molin tumen te ma peren ano iskušenje!" 41 Pale gova crdija pe lendar gači kobor šaj te čhudol pe bar thaj pelo ke pe kočja thaj molisajlo e Devlese: 42 "Dade! Te mangljan le mandar te ma pijav tare kava tahtaj tari patnja. Al nek avol sar tu so mande, a na sar so me mangav." 43 Tegani sikadilo lese o anđelo taro nebo thaj zurada le. 44 A kana dolda le bari muka, but pozurale molisajlo, a lesa znoj sasa sar kaplje taro rat save perena ki phuv. 45 Pali molitva uštilo thaj avilo ke pe sikade thaj arakhlja len sar soven taro pharipe kobor sasa lende. 46 O Isus pučlja len: "Sose soven? Ušten, molin

tumen e Devlese te ma peren ano iskušenje!" 47 Dok o Isus vačarda, e manuša thaj o Juda, jekh tare dešuduj sikade, avena premal leste. O Juda avilo pašo Isus thaj čumidija le. 48 O Isus vačarda lese: "Judo! Čumidimasa li izdaji man, e Čhave e manušese?" 49 Kana e sikade dikhlje so čerdol, vačarde: "Gospode! Te mara amen e mačurenar?" 50 Thaj jekh lendar čalada e kandino e bare sveštenikoso thaj čhinda lesa desno kan. 51 Al o Isus vačarda: "Mučhen len! Dosta!" A dolda lesa kan thaj sastarda le. 52 Tegani o Isus vačarda e manušende so avile pale leste, e šorutne sveštenikurende, e zapovednikurende e hramese thaj e starešinende: "Aviljen pale mande sar po razbojniko čhurenar thaj kaštencar te dolen man! 53 Sose ni dolden man dok sema ano Hram? Svako dive sema tumencar odori. Al akana si tumaro sato, kana i sila e kalimasi vladil." 54 Kana dolde e Isuse, inđarde le ke bare sveštenikoso čher. O Petar odural đelo pale lende. 55 E stražara phabarde jag ani avlin thaj bešle savore katane. Thaj o Petar bešlo lencar. 56 Dikhlja le jekh sluškinja sar bešol paši jag thaj dikhlja premal leste thaj vačarda: "Kava sasa lesa!" 57 Al o Petar xoxada vačarindoj: "Džuvlije! Me ni pindžarav le!" 58 Nekobor pale gova pindžarda le aver thaj vačarda: "Tu san jekh lendar!" Al o Petar phenda: "Manušeja, naj sem!" 59 Thaj kana nakhlo paše jekh sato, nesavo manuš uporno vačarda taro Petar: "Čače thaj kava manuš sasa lesa golese kaj si Gaillejco!" 60 Al o Petar vačarda: "Manušeja! Ni džanav so tu phene!" Thaj sigate dok vov vačarda, o bašno đilabija. 61 Tegani irisajlo o Gospod thaj dikhlja e Petre, a o Petar dija pe gođi so vačarda lese o Gospod: "Ađive, angleder so o bašno ka đilabol, trin droma ka vačare kaj ni pindžare man." 62 O Petar ikילו avral thaj zurale ruja. 63 A e čuvara lije te maren e Isuse thaj te maren lesa muj. 64 Učharde lese jakha thaj pučlje le: "Prorokuj, ko čalada tut?" 65 Thaj but avera bilače lafura vačarde lestar. 66 Kana sasa sabalin, čidije pe e manušende starešine, e šorutne sveštenikura thaj e učitelja tare Mojsijasozakon. Ande e Isuse anglo Baro sudo 67 vačarindoj: "Tu li san o Hrist? Vačar amende gova!" O Isus phenda lenđe: "Te vačardem tumende, ni ka pačan man. 68 Te pučljem tumen khanči, ni ka phenen mande. 69 Al od akana me, o Čhavo e manušeso, ka bešav ki desno rig ko počasno than e Zurale Devlese." 70 Pe gova savore pučlje: "Tu li san, čače, o Čhavo e Devleso?" Vov phenda: "Tumen korkore vačarden kaj sem." 71 Tegani von vačarde: "So trubul amen pobut dokazura? Golese kaj korkore amen šundam tare lesa muj!"

23 Tegani sa e manuša save sesa ano Baro sudo, uštile thaj inđarde e Isuse ko Pilat, savo sasa o rimsko